

Headline	Cabaran wujudkan kawasan rekreasi skala besar		
MediaTitle	Utusan Malaysia (Johor)		
Date	20 Oct 2011	Color	Full Color
Section	News	Circulation	238,082
Page No	30	Readership	833,287
Language	Malay	ArticleSize	390 cm ²
Journalist	N/A	AdValue	RM 3,322
Frequency	Daily	PR Value	RM 9,967



Cabaran wujudkan kawasan rekreasi skala besar

JOHOR BAHRU 19 Okt. - Tugas membina landskap di sebuah hutan bandar berskala besar bukan mudah seperti disangkakan kerana ia memerlukan kesungguhan dan tumpuan bagi memastikan ia dapat memenuhi kehendak orang ramai.

Itulah cabaran yang perlu digalas Arkitek Landskap Majlis Perbandaran Johor Bahru Tengah (MPJBT), Shahrulizam Abdul Rashid setelah diberi kepercayaan membina Hutan Bandar MPJBT di Taman Mutiara Rini, dekat sini.

Menurutnya, bermula pada 2008, pihaknya memulakan pembinaan hutan bandar itu berdasarkan satu pelan induk yang dirangka bagi membolehkan pembangunannya dalam keadaan terancang dan memenuhi keperluan semasa.

“Maknanya, kita bina hutan dan landskap tersebut berdasarkan keperluan semasa, merangkumi kehendak golongan dewasa, belia, remaja dan kanak-kanak,” katanya.

Shahrulizam, 35, yang merupakan lulusan Ijazah Sarjana Muda Senibina Landskap dari Universiti Teknologi Malaysia (UTM) memberitahu, tugas yang digalas untuk membangunkan kawasan seluas kira-kira 25 hektar itu mendapat kerjasama baik daripada semua pihak khususnya Jabatan Landskap Negara, Institut Penyelidikan Perhutanan Malaysia (FRIM), MPJBT dan Mutiara Rini Sdn. Bhd.

“Matlamat kami mewujudkan hutan bandar itu adalah sebagai kawasan rekreasi unggul, khasnya di kawasan pentadbiran MPJBT dan menjadikan ia sebagai pusat tum-

puan orang ramai beriadah.

“Ia juga bertujuan menaik taraf landskap sedia ada untuk memberi lebih kesan estetika bagi menarik pelancong dan masyarakat setempat,” katanya.

Mengenai cabaran untuk mewujudkan hutan tersebut, Shahrulizam berkata, masih terdapat segelintir masyarakat yang tidak tahu menghargai sumber alam semula jadi dan kemudahan yang disediakan.

“Kesan perbuatan vandalisme, banyak kerosakan dan kecurian alat-alat serta kemudahan di situ.

“Jadi, kami terpaksa menanggung kerugian yang tinggi untuk menyelenggara dan memperbaiki kemudahan dan menggantikan barangan yang dicuri,” katanya.



MD. Fuzi Ahmad Shahimi (kanan) dan Shahrulizam Abdul Rashid melihat hasil landskap dengan teliti supaya Hutan Bandar MPJBT sebagai kawasan rekreasi unggul.

Headline	Cabaran wujudkan kawasan rekreasi skala besar		
MediaTitle	Utusan Malaysia (Johor)		
Date	20 Oct 2011	Color	Full Color
Section	News	Circulation	238,082
Page No	30	Readership	833,287
Language	Malay	ArticleSize	390 cm ²
Journalist	N/A	AdValue	RM 3,322
Frequency	Daily	PR Value	RM 9,967



BANGUNAN Majlis Perbandaran Johor Bahru Tengah.